



## فقييد الأمة

لك الحمد ولك الشكر والصدق بالنيه  
ومادام النفوس بقدره الله مرضيه  
فقييد العرب ذكره ما هيب منسيه  
فقدنا من أفكاره على العزم مبنيه  
وكان الكرم مولود من بين أياديه  
دموع الرجال اليوم ما هيب مخفيه  
يغيب الضرح عنا ولا غاب طاربه  
حميد السجايا راعي السيره الحيه  
واعزي على البحرين قبل السعوديه  
واعزي على كل الشعوب الخليجيه  
وريث المراحل والكرم والفروسيه  
ونفخر بوقفاته ونفخر بكرسيه  
وعلم الوفا في حاضره مثل ماضيه  
نوقف نهار الكون والدار محميه  
وننصر بعضنا فالزمان وبلاويه  
وهل الغدر ونفوس الضعوف الدناويه  
إلى ثارت الهيجا ونادو هل الهيه  
عدو الردي راع الكضوف الرهاويه  
وترجم كلامه بين معنى وقافيه  
تترجم مشاعرنا على شكل مرثيه

عليك الرجاء ياربي الواحد المعبود  
نبي رحمتك دام العمر فالزمن محدود  
والأحزان ننساها مع الوقت هذا كود  
فقدنا زعيم أمه فقدنا الكرم والجود  
كانه من الطيب ومن المرجله مولود  
إذا إن الرجال بيخفي دموعها المنقود  
على فراق بومتعب سحابة حزن ورعود  
عسى الله يرحم راعي الموقف المشهود  
أعزي نفسي وأعزي على آل سعود  
وأعزي عليه الخيل والليل والبارود  
لكن العوض في راس سلمان راع الفود  
نزود بوجوده دام له في الوجود وجود  
وحنا لكم وأفعالنا فالزمن شهود  
على العزلا من عودت حاوي ومردود  
وناطى على الخاين وناطى على النمروود  
ولا همنا وقت الضنن والوجيه السود  
على الحق نبقى في سبيل الديار جنود  
أقوله نيابه عن ملكنا ذرا المضهود  
أنفذ أوامر والدي وأفتخر وأزود  
رسالة عزا ومباركه يا عيال العود

ناصر بن حمد آل خليفة

٢٠١٥